



Department of
Education

www.deni.gov.uk

AN ROINN

Oideachais

MÁNNYSTRE O

Lear



TÁ TÁBHACHT LE TINREAMH SCOILE **Treoir do Thuismitheoirí**





NA FÁTHANNA A LÉIRÍONN CÉ CHOMH TÁBHACHTACH IS ATÁ TINREAMH SCOILE –

Má tá páiste d'aois scoile cláraithe ag scoil ar leith, tá sé riachtanach go bhfreastalaíonn siad ar a scoil ar bhonn rialta agus go gcoinníonn siad pátrún maith tinrimh le linn a dtréimhse scoile.

Tá tinreamh scoile den scoth tábhachtach le deis a thabhairt do pháiste nó do dhuine óg a gcuid poitéinsil a bhaint amach.

Thíos faoi seo, léigh roinnt de na príomhfáthanna a léiríonn cé chomh tábhachtach is atá sé go bhfreastalaíonn páistí ar scoil:

- ☑ Le foghlaim.
- ☑ Le sult a bhaint as.
- ☑ Le cairde nua a dhéanamh.
- ☑ Le taithí a fháil ar rudaí nua.
- ☑ Le feasacht a fhorbairt ar chultúir, ar chreidimh, ar eitneachas agus ar dhifriúcháin inscne.
- ☑ Le hardchaighdeán a bhaint amach.
- ☑ Le cáilíochtaí a bhaint amach.
- ☑ Le scileanna nua a fhorbairt.
- ☑ Le tógáil ar mhuinín agus ar fhéinmheas.
- ☑ Leis an tús is fearr sa saol a bheith acu.

**Caill Scoil -
Caill Amach!!**

Eochairphointe

Tá sé níos dóchúla go mbeidh daoine óga a chailleann laethanta scoile gan cúis mhaith ar bhonn rialta, leithlisithe óna gcairde, go dtearcghnóthóidh siad i scrúduithe agus go nglacfaidh siad páirt in iompar frithshóisialta.



AN MÉID A DEIR AN DLÍ –

Faoi Alt 45 den Ordú um Oideachas agus Leabharlanna (Tuaisceart Éireann) 1986 (“an tOrdú 1986”), tá sé mar dhualgas ar thuismitheoirí a bhfuil páiste ar aois éigeantach scoile¹ acu, cinntiú go bhfaigheann a bpáiste oideachas atá éifeachtach, lánaimseartha, oiriúnach dá n-aois, dá n-inniúlacht agus dá gcumas agus go bhfreastalaíonn sé ar riachtanas oideachais speisialta a d’fhéadfadh a bheith acu. Is féidir oideachas dá leithéid a sholáthar trí thinreamh rialta ar scoil nó a chomhionann; oideachas ón mbaile, mar shampla.

Deir Paragraf 3 (1) de Sceideal 13 den Ordú Oideachais 1986 go bhfuil dualgas ar thuismitheoir a bhfuil páiste dá c(h)uid cláraithe mar dhalta i scoil ar bith, tinreamh rialta scoile a p(h)áiste a chinntiú. Baineann seo le gach páiste ar aois éigeantach scoile agus atá cláraithe ar rolla scoile. Mar thuismitheoir, luíonn freagracht ort de réir an dlí a chinntiú go dtarlaíonn seo.

Faoi Chuid III de Sceideal 13 den Ordú 1986, mura bhfreastalaíonn páiste nó duine óg atá cláraithe ag scoil ar an scoil sin ar bhonn rialta, d’fhéadfai fineáil ní níos mó ná £1,000 sna cúirteanna (in aghaidh an pháiste) a ghearradh ar a t(h)uismitheoir. Anuas air seo, d’fhéadfadh le cúirt Ordú Maoirseachta Oideachais (OMO/ESO) a dhéanamh faoi Alt 55 d’Ordú na bPáistí (TÉ) 1995.

Eochairphointe Ní rogha atá san oideachas – tá sé éigeantach.

LAETHANTA SAOIRE TEAGHLAIGH –



Is féidir leat do thiomantas d’oideachas do pháiste a léiriú trí laethanta saoire a sheachaint le linn an téarma. Má ghactar laethanta saoire le linn an téarma, caillfidh páiste, nó duine óg ar bith atá as láthair ón scoil, amach ar fhoghlaím thábhachtach agus titfidh siad siar ina gcuid obair scoile.

I ngach Bliain Acadúil, níl ach uasmhéid 190 lá reachtúla scoile – fágann seo cuid mhaith ama le laethanta saoire a shocrú lasmuigh d’am an téarma.

Déanfar catagóiríú ar laethanta saoire glactha le linn am an téarma mar neamhláithreach neamhúdraithe.

Eochairphointe Seachain laethanta saoire teaghlai le linn an téarma scoile.



NA BEALAÍ INAR FÉIDIR LE TUISMITHEOIRÍ CABHRÚ –

- ✓ Cruthaigh gnáthamh maith ar maidin agus um thráthnóna chun go bhfuil do pháiste ullmhaithe don lá scoile amach roimhe/roimpi.
- ✓ Cinntigh go dtéann do pháiste ar scoil go rialta agus go leanann siad rialacha na scoile.
- ✓ Cinntigh go sroicheann do pháiste an scoil in am – ní go mall.
- ✓ Socraigh coinní fiaclóra agus coinní dochtúra lasmuigh d'uaireanta scoile nuair is féidir.
- ✓ I gcónaí abair leis an scoil má tá do pháiste as láthair ar chúis tinnis – ba chóir go leanfá seo le nóta scríofa nuair a fhillleann do pháiste ar ais ar scoil.
- ✓ Glac go dáiríre le múitseáil – mura bhfuil do pháiste ag freastal ar scoil mar a cheapann tú, d'fhéadfadh go bhfuil siad á gcur i mbaol – Cé lena bhfuil siad? Cad atá ar siúl acu?
- ✓ Tóg laethanta saoire teaghlaigh lasmuigh d'amanna an téarma scoile.
- ✓ Labhair le do pháiste faoi chúrsaí scoile agus léirigh spéis ina gcuid obair scoile (obair bhaile san áireamh).
- ✓ Freastal ar thráthnónta do thuismitheoirí agus ar ócáidí scoile.
- ✓ Mol agus cuir luach le gnóthachtálacha do pháiste ar scoil.
- ✓ Tacaigh i gcónaí le foireann na scoile ina n-iarrachtaí iompar deacair nó dúshlánach a smachtú.
- ✓ Plé fadhbanna nó deacrachtaí ar bith leis an scoil – tá an fhoireann ann le cabhrú agus léireoidh siad tacaíocht.



Eochairphointe

Ná bíodh eagla ort cabhair a lorg má thagann fadhb chun cinn.



TÁ TÁBHACHT AG BAINN LE GACH LÁ SCOILE –

Is ionann gach uile lá scoile a chailleann páiste agus lá foghlama caillte.

Is féidir leis na céatadáin tinrimh a bheith míthreorach.

100% Tinreamh	0 Lá caillte	Tinreamh den scoth
95% Tinreamh	9 Lá as láthair 1 Seachtain agus 4 Lá Foghlama Caillte	Tinreamh ceart go leor
90% Tinreamh	19 Lá as láthair 3 Seachtaine agus 4 Lá Foghlama Caillte	Drochthinreamh
85% Tinreamh	28 Lá as láthair 5 Seachtaine agus 3 Lá Foghlama Caillte	Fíor-dhrochthinreamh
80% Tinreamh	38 Lá as láthair 7 Seachtaine agus 3 Lá Foghlama Caillte	Do-ghlactha
75% Tinreamh	46 Lá as láthair 9 Seachtaine agus 1 Lá Foghlama Caillte	Do-ghlactha

Do roinnt tuismitheoirí, d'fhéadfadh go bhfuil cuma inghlactha ar 90% tinreamh, ach go réalaíoch, ciallaíonn 90% tinreamh go gcaillfidh do pháiste leathlá scoile gach seachtain nó 19 lá scoile le linn na scoilbhliana - sin 4 seachtaine, geall leis.



Eochairphointe

Tabhair an deis is fearr sa saol do do pháiste – tá tábhacht ag baint le gach lá scoile.